

## 佛說稱揚諸佛功德經卷上

【元魏天竺三藏吉迦夜譯】

喃謨世尊德內豐如意摩尼寶髻莊嚴光明照耀如來【誦七遍】

Namo bhagavate guṇa-ākara-antar-prabhūta-cintāmaṇi-ratna-uṣṇīṣa-  
maṇḍita-avabhāsāya tathāgatāya arhate samyak-saṃbuddhāya.

【公元 2019/10/21 日 10.08 A.M. 修正版】

不空摩尼供養德內豐如意摩尼寶髻莊嚴光明照耀如來真言【誦七遍】

Om, amogha maṇi pūjā mantra pra-sava vi-kurvite, samanta guṇa-  
ākara-antar-prabhūta-cintāmaṇi-ratna-uṣṇīṣa-maṇḍita-avabhāsa  
tathāgata viṣayam ā-bharaṇa gandha-sugandha maṇi-ratna gandha-  
puṣpa pra-varṣaṇa svāhā.

【上述供養咒更正於公元 2020/4/1 日 10.14 P.M.】

經文：

復次，舍利弗！東方去此佛土，度二十佛刹，有世界名曰《豐饒》，其國有佛，號《德內豐珠光如來》，應供、正遍知、明行足、善逝、世間解、無上士、調御丈夫、天人師，佛、世尊。其有得聞《德內豐珠光如來》名者，一心信樂，持誦誦念，斯等皆當獲大功德，終不畏墮三塗之難，所發弘誓如意，得滿大乘之願。若吾般泥洹後，其有得聞《德內豐珠光如來》名者，信樂誦念，斯等皆當得大乘法樂而以自娛，及受天上人間快樂，命終當得往生清淨佛土，於諸佛國，具滿眾願。随心所欲，於三乘法而得滅度，於其中間，從諸佛所，獲功德聚，甚大弘廣，恒沙劫中，所作眾罪，悉當棄捨不受；唯除逆罪，起瞋恚意，向諸正士，此等之人，於久長世，地獄之中，受斯罪畢，因得聞此佛名，功德所致，其後如願，於三乘中而取滅度。舍利弗！當知眾惡之行，慎莫造作，如我於此經中上章所說，不可起恚向於焦柱，何況懷惡向諸已立信心，趣向大乘道者；況起諸瞋恚，懷於誹謗，向諸如來一切智者，如是之人，於無數劫，在地獄中，具受無量苦惱之罪，爾乃得出。我為斯等求於大乘信解者故而說斯法，其有毀壞大乘法者，實當具受無量大苦；信樂之者，自當立於不退轉地，必成正覺。

【公元 2019/10/21 日馬來西亞萬撓佛教會蔡文端修正版】

馬來西亞萬撓佛教會網站：<https://dharanipitaka.com/>